

吳學士詩集

吳學士詩集卷四

番禺梁肇煌壇園編訂
全椒薛時雨慰農

七律

次石君師奉命教習己未庶常授書韻

已拚虛牝擲華年風裏蓬瀛忽爛然覆簣再成仍一手

肅於丙午鄉試

出師門今年師又落英重起異羣緣新詩足補金坡事下界初

除玉局仙

坡詩黃紙新除玉局仙是日學士於院中宣旨除二甲進士七十人為庶吉士

一語九重

名姓達菰蘆深愧受知先

先進士知名者師首以肅名對

自歎心腹契山龍在手祥雲播岱宗舊學殿中尊丙吉經生天

下首丁恭文星怡應天文煥化雨能資聖化雍三復嘉謨期自

淑酬知願作歲寒松

師謝表云教之立品勿以名利相矜勸之通經勿以詞華相競

侍石君師坐再呈二首仍用前韻

管領封疆又十年

師以乾隆乙未自晉藩上調任粵東遂督兩廣復任皖撫今年始還

青藜故物總依然共知冰雪由天性未倦津梁亦夙緣兄弟名

山分據席

時手校笥河師遺詩

門牆一脈附登仙

去年鄉試庚戌門下士主鄉試者凡七省適蔣

丹林辛筠谷戴金溪諸前輩各率小門生來謁

更聞諸老呼前輩千佛名中此最先

朝

端諸公科分師最先

當時韓孟願雲龍得士今為海內宗

謂少司農阮芸臺師

高坐重將奇字

問名卿還比後生恭靈光終古依東魯雅樂何人獻上雍我效

王褒先作頌更憑喜起祝喬松

原作

小別冰銜十六年柯亭劉井故依然兩番兄弟同車夢

余與竹君

先兄有兄弟同車之嘲乙未余自
晉藩內轉學士時兄再官編修
三度蓬瀛到岸緣戎辰乙未及今
年席滿多英爭問字坐深前輩話登仙自知殖落慚師說器

識才華果孰先

弱齡東閣舊登龍

阿文勤公余丁卯坐主也掌院事最久

四世絲綸翰墨宗

文

文成及今大司空世掌院事

黃髮通門餘亥叟黑頭台輔協寅恭及時化

雨隨軒蓋繞檻清泉似辟雍七十三人羣雅萃儲才應潤百

圍松

再疊前韻呈那繹堂師

總持騷雅尚丁年丰采崔瞻本嶷然未惜齒牙資振奮自存厓

岸謝營緣勳門屢世能憐士勝侶同舟並是仙

時與芸楣師同掌院事與石君

師同教習庶常五字小言勞說項江南芳草得春先

師亟賞蕭覆試卷且對客誦蕭賦得

詩正而葩詩中
餘波屈宋同句

一封黃紙出銅龍御墨新揮獎女宗

時新奉御賜太夫韋幔人額砥節礪忠四字

六官親授學孔墻三命益滋恭已知忠孝推王爽肯向寒微識
顧雍看領華簪雲日表青蒿何幸倚長松

古意三首呈寶谷先生

邂逅仙人分已踰琅玕貽我又貂褕雲中飲露惟金掌席上開
冰有玉壺發篋便知神劍合窺奩空照舞鸞孤三層樓住陶宏
景假館多慚道氣無

紫液鎔成百寶丹輕身容易療饑難瑤籤只許窺中秘玉筋非
常賜上闌入禁未輸鶯睨睨垂雲每苦鶴蹒跚素娥棲月知僂
倖翠袖青天不耐寒

江潭生意已婆娑，握棗因緣敘怕訛。
三載下風懷故紙，九秋上雨聽枯荷。
黃花細把顏真改，青鳥相逢路未多。
欲獻白環君不許，他生此願未消磨。

生日雜感

積陰荒榻臥秋煙，檢點身心一惘然。
報國甘居戎士後，還山亦讓古人先。
米鹽瑣事憂慈母，戈印佳徵誤壯年。
別久素交知我淺，書來前路勸加鞭。

僦屋初成硯席新，長安老輩肯爲隣。
人誇名海蓬蒿迓，我本浮家水月身。
小影隔離花弄色，高談驚坐酒生鱗。
請君莫問涼蟾落，坊口華車正碾塵。

長樂依微夢裏鐘，安心良法足疏慵。
官卑自喜人無責，巷陋翻

看客易從童約儘寬荒灌樹閨情自慧感鳴蟲山林城市休分別得飽居然識字農

登揚州南樓

先冬十日始尋秋幾載重陽上此樓媿我歸田仍作客看人煮海傲封侯淮南山色真宜隱京口潮聲不捲愁往日題詩奇氣在著書未畢雪盈頭

贈楊荔裳方伯

手酌岷源洗甲兵功成坐鎮又西行軍中吉羽三加服劔外金符萬里城詞客飛騰空老輩邊人安靜畏經生春明舊雨留旌節且駐詩壇一主盟

昨者從軍古折支天通如綫道來奇山高大帥車先舍雪重初

秋帳屢移僣從生還皆指折巉巖夢到尚心危黑頭紅頰難兄
在力捍圍城又一時

白水西頭棘戟陳軍中揮塵似閒身朱顏未厭啼猿苦黃敎欣

聞繡豸新小范腹中雄武略大蘇門下富詩人荀河先生言門下詩人必首楊

黃謂君兄弟及仲則也杜陵入蜀真愁絕難得歡娛句有神

機雲試席識名流輦路星霜十四周令兄蓉裳刺史以明經應中書省試又與君同獻賦

君遂入薇垣以庫功授方面獻賦同陳三大禮備兵已率五諸侯功名傳世

真文士貧賤投詩有舊游揚馬部人今幾輩愛才風度要休休

題淵如摹帷圖

大明湖上憶題襟蔭喝東南萬樹陰不忘下帷修夙業可知攬
轡有初心雲生膚寸人歌雨夢遠江湖鶴在林愧我但能誇率

職尹唔文字鬢霜侵

壬戌上元後一日萬和圃學士

承風

家鑑庵編修

烜

招丁

酉同年小集賦呈四首

軟紅堆裏玉山筵看煞洪崖竟拍肩春早長安眞近日禮寬先

達本同年相將高論青霄上各有鄉心北雁前卻憶昔遊同此

集不知征路隔三千

戊申在江圖同王家杞周謫聯金光恆翁恩元諸君集莫愁湖上戊午在揚州與謝

蕪泉前輩周吏部維祺郭戶部均胥大令繩武陳廣文變范廣文鑑程明經贊和集於九峰園皆丁酉同年

華隰傳誇勞使車三年離索感何如良材分種成陰後香案重

依拜寵初入坐神鋒仍落穆當筵燈樹又扶疏良辰卻費金貂

解清比還都華子魚

時二君皆以學政還朝

廿五年前同舉士龍門高處許追陪

戊戌與程學士昌期江侍御德量同學於朱石君先

生今二公驚心逝水多陳迹到手名山不易才注殿撰汝洋葆皆歸道山驚心逝水多陳迹到手名山不易才沖書屋詩集汪明經中述學內殺賊有人親握槩祖少司寇之望溫方伯承惠外篇皆行世望春今日又登臺諸君能使科名重老我惟甘百罰蕭回亂能保圍城

豈有根因種此生一經千佛許連名望塵甘讓良騏遠附鸞兼

慚小鳳清編修令嗣其彥與余己未同年黃卷生涯官事簡青雲期許歲華更

太平歌詠宜吾輩計日春霖賦洗兵

壽費筠圃相公七十

瑤閬飛下曉雲紅寶翰新頌祝相公錫福垓埏恩自溥贊綸臺

閣道先崇錦袍鮮映當筵酒時賜御書外並賞蟒袍等件翠羽榮酬治水

功公督三江時以河汛安瀾賞戴花翎

聖算明年符大衍股肱一體壽康同

國工國子並提衡道藝賅通相業成文有金丹傳俊造天將玉

燭慰精誠任官文武材俱出

公歷吏兵二部尚書

開府中邊望愈清九處

封圻多愛樹蒼生交口祝長生

公九任封疆

總持史館侍經筵真到神山式列仙執政家仍似寒素戀君心

不忘林泉書工老手兼諸體

今年夏公手書二摺見贈猶能作小行楷

飲健豪情壓

少年試數科名誇癸未歸然兩相正隨肩

兼謂富春師相

命先一月舉華觴

帝爲綸扉駐景長春氣本兼仙佛骨壽朋方是國家祥紀恩不
覺新詩寫上殿爭誇老輩強我折庭梅侑千榼調餘梅蕊又含
香

書秋影閣詩後

淮水東頭暮雨霏銷魂一曲久忘歸詞中換鳳新翻譜夢裏驚
鴻舊舞衣沾拓功名辜昔諾飄零車馬惜斜暉風流我亦多情
種貧賤爲歡事事違

船山寓吳中病瘧訊以詩戲仿其體

詩名太大鬼都噴杜老韓公有替人二公集中病瘧詩屢見解組盛年眞
爲病驅邪奇筆竟無神濫求醫藥何如酒飽閱炎涼忽在身大
好湖山須強起今年多得卅朝春

輓素谷和尚

來看芍藥有前期再見無緣客到遲花徑香從初地護湖上臺榭傾圮
小金山以住持有龍象素谷持戒獨嚴菜根味共老儒知傳燈一焰君
力門庭如初花事最盛

能住銘塢千秋我不辭
況得詩孫堪付託
溪邊手植老梅枝

湖上卽事

眼前無物白生虛
閱盡流光愛獨居
隣叟自憎人折樹
溪童偏詫鳥銜魚
春停開甕因多病
老尚浮家已遂初
最好今年風雪劇
荒寒隔斷貴游車

闕題

卅年操概本同師
大海萍蹤易別離
鴻爪可應迷朔雪
鵲巢相與戀南枝
爲彰慈教觀新志
以太夫人墓志見示
更賞奇文贈古碑
自有千秋名業在
況看長藝定逢時

聽秋聽雨總浮蹤
那意停舟兩度逢
酒意休空金鑿落
花時已過木芙蓉
經旬病臥詩難寫
半世研經業更備
且喜主人原舊

雨新知舊學共陶鎔

邗上同桐生數峰小集次桐生韻

憶共師門一瓣香遺書零落感中郎
北游又伴登龍客老去相逢旅雁行
春夢漸醒無遠志晚荷未放有餘芳
聚星堂畔□□子訪舊還應更舉觴

孟慈以授經圖屬題三年矣懷先公執友之誼感並世孤露之身展卷悲來久未報命今將計偕枉別次冊中芙蓉

初韻奉題

陋巷歌聲萬卷叢匡劉傳學漢京風
門才綺歲新書畢庭誥寒家古訓同
自檢蠹魚悲手澤承呼老馬愧頭童
長途珍重臨歧語回首湖光暮雨中

瓜州晚渡

墟煙未合見沙鷗清迥江山易作秋戰迹盛傳宋南渡

按史瓜州用兵

始見唐肅宗時劉展之叛而李庭芝姜才之出兵奪兩宮劉錡力疾拒金亮趙淮以轉運使殉敵皆在此潮聲遙接

海西頭時平城堞無兵戍水夕帆檣繞市休沽得雙清村味熟

兩年六度渡瓜州

贈黃竹雲茂才

春雨當門晝罷開好詩在手讀千回眾中能識非常客壁上會

驚不易才

昔見大楷於揚州南城樓上歎爲奇筆未及奉訪而見於翰林前輩秦先生坐上頗能辨客

閱世

半生荒歲月著書三徑惜莓苔何當空谷趁然響一笑駒場肯

惠來

復堂都轉與余交最舊別三年而余以危病復起相見於

邗上得五十六字復堂或亦賞其深於寄託而不律以詩格乎

憂患憐君健在身養疴我已鬢毛新前緣未盡逢知己公論堪

憑有外人

君在官無不感者罷官無不惜者

欲報國恩來日遠

甚君健

難酬鄉思

去官貧

公欲歸無田

題襟前後翹材館自檢殘篇迹易陳

君與南城賓谷先生

轉運揚州四方寒峻歸馬鼎爲作題襟會記

題孫淵如五畝園

藩籬不設屋疑舟近市偏逢十二樓一塢正如山對面四時長
有月當頭江湖易作蒼茫想風露休嫌汗漫游各有舊巢天上
在怕尋春夢且唸秋

謝李松雲前輩枉過

仕隱由來共一岑
臨歧相與惜分陰
崇高能作清寒語
老大重論少壯心
蓬閣虛聲慚倚馬
園林清趣付來禽
願君進德祈君壽
果慰江淮祝望深

送同年陳新舍巡漕畢還朝

江河喜色導旌旗
臺館聲華四海知
驄馬爭看繡衣使
羔羊眞副素絲詩
舟行清水心堪質
天與南風漕最宜
丁弁騰歡我惆悵
悵開船鉦畔對將離

短夢金華易隔塵
華原邂逅亦相因
卻驚服御仍寒士
肯向江湖覓故人
小聚苦無河朔飲
先衰頻詫鬢毛新
玉堂舊雨相憐甚
爲道初衣可耐貧

題虎阜倉聖祠次淵如韻

誰從古史問偏旁試考祠官爲積倉

近通祀爲倉神非報始制文字也

梵夾彼

猶識初祖書家今但譜專長神明遺跡迷飛鳥君相同功麗太

陽

隋書載潘徽韻纂敘史顏佐軒察鳥迹而取地

若倚精靈重雨粟三吳萬戶晚炊香

時吳中旱

附原作

闔閭冢畔劒池旁展謁新祠想聖倉異表不妨傳四目

考四目當

爲細目古細字或作囟止用偏旁故山海經稱矜羊四角亦當是細角今矜羊角有細紋非四角

世官誰復

擅三長漆書字不留中古

魏邯鄲圖三體石經猶傳孔壁古文今不可復得

白水碑

空臥夕陽我自髫年攻篆籀手攘頤藻薦心香

初三日晚晴補和鄭堂元日雪中詩

斜陽映雪似朝曦老大追歡各悔遲相府筆耕希一出

往在京師鄭堂

主王文端家蕭主朱文正家兩公先後江亭車駐慣相期昔與皆直南軒新正傭筆事多罕得相見
雅存酒資亦以春初典禮多廩值講官班常負此約延齡專倚
者任酒資亦以春初典禮多廩值講官班常負此約
長桑術時病甚專服君方傳世休刪本事詩君方刻所著說經之風趣書余勸其兼及韻語

江郎殊未減烏絲紅袖傍新祠

寒雨喜淵如至

積雨湖波十月寬飄然一棹肯衝寒萍逢轉賴長爲客鷗狎多
應各棄官坐上無羶神忽至爐邊有酒語先酸時數同校唐文者十五人歸道
山者五人矣自將晚食酬無肉更把秋英勸夕餐淵如以胃病過午不食

雪中聞諸詩僧有作

閒身泛宅卽天涯清絕門前樹樹花堆地亂峰三日雪攪人歸
思數聲鴉湖河新水才踰誌堯豫流民未有家輸與空門無罣

礙寒天險韻鬪尖叉

己巳歸養得請拜土橋先塋敬賦

重禮青山野服新白頭歸計太逡巡丁年射獵心如昨丙舍琴

尊迹易陳足繭高原成馬鬣

先大夫爲先大母卜葬走山中十餘年始得兆於先疇之次旣葬與

族黨會於丙舍云

手栽弱植有龍鱗雁邊淚盡悲無極顧影斜陽少一

人

庚申請假省墓與亡弟寅俱

侍先太淑人柩於席舍夜不成寐賦此示次兒西安兼寄

諸妹城中

淚盡空山夜未沈當年雲舍氣蕭森讀書可竟延清緒掃葉休
忘惜故陰兄妹分看今夜月城郊均繫九原心迢迢寒柝連墟
劇驚起西烏又繞林

送洪稚存戍邊

散髮江湖興有餘，謾勞師友勸登車。
竟忘太史無言責，過恃愚衷類謗書。
詔許自新天子大，奏非直達小臣疏。
烏頭馬角君恩重，近記聯吟會合初。

里中喜聞稚存赦還

京師得雨西師捷，傳喜連朝到幕門。
又報故人承赦旨，更無諫院戒多言。
句中戈壁詩增健，關外弓衣氣轉溫。
從此家園好頤養，餘生難得出君恩。

送陳恭甫同年典試中州

三載重乘八月槎，白華衣絮照皇華。
文星夜出占分野，嶽色秋晴上使車。
傳鉢經神仍發篋，論詩試院好煎茶。
門牆多少新桃李，上使車傳鉢經神仍發篋。

李定是同年手種花

九人先後同持節

今年己未同年典試者九人甲子者七人文正師有詩誌之

跂足西州各

惘然文字自來通一脈

皇恩應許住三年雨餘驛路清無暑人別蓬山氣自仙卻憶邯鄲題壁處紗籠讓爾和詩傳

湖上送春

愁緒撩人不可刪分攜偏傍好湖山故人明月同千里鵲鵲茶蘼自一班載酒客來風雨劇著書時過鬢毛頽平山十載芳塵踐頻送春還我未還

同劍潭太守雲伯大令梅叔明經湖上觀荷

閒情空水共澄鮮況有花光繞四邊風雨易停知免妬江湖自

照那求妍懷人欲采江南葉入夢頻登嶽頂船淨界不勞天女
散白頭病榻有眞禪

訪屠琴塢眞州

得君世乃重書生詩集先成政又成少作已能令紙貴新銜初
不損冰清江淮爭望隨車澤草野來尋戴笠盟出處道殊心迹
共夕葵花外白華笙

夏策匡時一再陳阮孫何止是經神

眞州瀕江多盜流民雜處積習養癰遂成悍俗芸臺

師請增兵防格於部議比者東南誰能未雨謀先豫肯挽頽風
屢豐淵如致書封疆亟買補倉穀
氣自新餘事丹青臚疾苦此州梅石證清貧我來親見憂民色
勸作遨頭領好春

吳下遇查子干

欹枕楓橋幾杵鐘水鄉又續舊游蹤緣深不是萍相值情重翻

嫌酒未濃論事如初驚髮改

都門分手時
余髮猶未白

卜鄰已晚載書從時

泊門前枇杷熟後楊梅熟料理分甘節候逢

好片靈巖易夕陽初衣相對古歡長奇書各付佳兒讀靈草分

貽老母嘗

時以東茶
貽老母

長日話深槐夏靜峭風樽換麥秋涼臨歧

但訂尋幽約未敢江湖夢廟堂

爲蕉園方伯刻文端公游攝山詩成次韻書後

相業崇高誇舊史詩情閒逸滿秋山生祠人禮口碑在遺蹟神
呵手澤還終古虬枝鱗未化當時繡襍鬢將斑功名金石君家
有有客名思著此間

登高腰腳老猶勝政暇清游趣似僧豐歲佛生無量喜

公四至
江南多

值歲成誌喜別裁詩占最高層山中雲物因心造門下生徒得
詩集中甚夥句能耕叟樵夫相勞問誰知野服有凝丞

昔游巖壑恨難窮畫裏分明別與宮尺幅雲煙生腕底六朝金
粉得江東詩傳頓使丹青古生晚難求姓字通輸與棲霞耆舊
說親看豐頰照霞紅

鯉庭桃李趨陪舊

己未殿試丹年誦相以首揆讀卷

麟閣鐘鏞著錄嘗

山谷贈謝處厚

詩職嘗同著錄功不吝磨礪燕向與纂絕廟實錄書相業最詳

雅頌大編門業富

蕭奉勅編八旗詩公

父子詩並載集中

屏翰新澤水源長苦吟百度何曾廢遺直千秋總不

忘我是醉翁亭畔士又鐫游記頌歐陽

贈廖復堂都轉

長淮載德萬艫春喜色朝來動酒鱗建節不渝寒士舊論文略

見古交眞蓮臺浴佛剛同月藥圃徵祥又此辰人許清名天與健隔年先賀小麒麟

昨冬舉曾孫

風味依然是秀才那知功可畫雲臺廉隅早已孚明聖科第還能啟後來退食曾無絲竹設清談不許鷺鷥猜達官幾輩施行馬東閣梅花竟許陪

闕題

不飲應教月笑癡有時無月更邀之中秋而外幾良夜元祐以來無此卮禪悅別參雲海諦鄉音新慰水天思歌成水調歸何處七寶戶中人定知

女蘿同穀人師賦

其命空山願不違貞松無恙且因依未嫌幽谷多寒色親見高

枝易夕暉生理既成如客寄隱居可遂共君歸太白詩湖水上女蘿衣白雲堪
臥君雲間朱袖知誰是初服圍拋薜荔衣東坡詩雲間朱袖拂雲和知是長松挂女

奉酬端厓先生贈別之作卽次其韻

邱麻詎足登衣笥畦韭何堪入食單一字假人原不易千秋知已特爲難培風奢望鵬身健警露深矜鶴意寒苦惱眾生承棒喝名言長向寸心刊

仙骨仙衣孰許侔卅年餐飲在瀛洲神行已徧人天界悟徹兼通道釋流卻許參乎聞一貫更憐甫也客諸侯此身從此勤珍護入世當爲不忤舟

病中再用前韻呈端厓先生時先生以按試過全椒肅謁

於行館

長日拋書百感攢短簾才捲怯衣單春過一月花猶少病想三年艾竟難身似哀鴻空向暖心如苦海易知寒維摩臥榻成空界世路荆榛且漫刊

鵲語今朝喜不侔越人今夕快牽洲坐來便覺初風煦老至真驚去日流昨歲解衣歡挾纈何時射策比穿侯溫言慰藉勞知已從此江湖鮮棄舟

將赴皖乞屏屨之資於端厓先生三用前韻

牽衣古道春將暮裹足柴門粟又殫游計敢嫌千里遠浮生只覺一身難車裘到眼因人熱風雨驚心益我寒筆札平生生理在有文休想國門刊

當時入奏薦孫侔拭目初驚入鳳洲詎料十年仍下走枉勞一

顧到凡流經生寂寞韓康伯病影消磨沈隱侯珍重春江花月

美便風好與送輕舟

宋史孫侔少有盛名王陶韓維交薦之

將赴石君師之招汪二

履成

有詩贈別四用前韻酬之

一牘諸侯已徧干師門深幸恤微單上公蓮幕甄材廣下客蓬

心効實難清讌未陪飛蓋盛故園小別落陰寒托身有所當謀

道名論唐賢本不刊

常建詩托身未知所謀道庶不刊

風雨三間夙願侔倦游芳色戀春洲買田但可當中產對宇園

忘附勝流他日定偕文字隱離筵且覓醉鄉侯子規聲裏人難

住不緩須臾是壑舟

贈曹學正

德華

兼索其畫五用前韻

憶我握衣趨輦路從君抵足借僧單

庚子與學士獻賦同寓白門僧舍

雲中一

鶴騰身易雪後雙鴻踐迹難官舍有人傳客至

學正赴端厓先生幕過全椒留

袁鯉泉師署邀余劇談一夕

酒杯永夕共春寒送君驛路遙山色粉本天然

不可刊

論交海內幾人侔各有遐情抗十洲可惜別離如雨散未因搖
落減風流才名揚孔無餘子家法丹青像列侯請寫好山遙寄
我臥游端不費車舟

送梅

慣隨今雨到柴門搖落無端餞此尊掃徑異苔留屐迹曝衣別
袂認泥痕暗香消息詩能記嘉實甘酸味可論何必石尤工殢
客來朝小暑聽雷喧

衛滑蕩平同家穀人先生賦詩志喜兼寄那繹堂師四首
先春喜色照東南吉在師中錫命三伏莽那逃天怒盛克城宜
荷聖恩覃六軍同澤知君父五等殊榮拜子男遙想行營頒賞
畢歡聲應比戰聲酣

歸功天祖爲蒼生刑賞兼權致太平共喜捲書看露布早聞擊
賊有雷聲義師況得神明助師奏克滑城日溫語仍誇子弟兵
師奏素倫勁旅殺賊立功領得銀牌詫鄉里新停團練習春
耕上旁批云此我子弟精兵也

相門韜略最精深報國承家止一心肯聽豺狼猶死拒稍延時
日要生擒披來賜服知春信師與高楊二公酌及先臣感德音
上以統領立功實稟祖奏罷饒歌詩又作紀恩帥府本儒林
訓特命賜祭文成公

萬人枕上過軍書紀律森嚴古法如送喜星回兵洗後飲勳詩

及柳依初江淮無事知安堵師友成功庇隱居

同年劉松齋都轉功最偉加布

政使

史館昔曾從載筆銘山才讓玉堂儲

簀山先生同年督漕北上途次賦詩見懷依韻奉答

思君昨夜月將中晨喜新詩一紙通清似梅花傳驛使閒思酒

態笑山翁頻移使節添詩料未沫游踪付畫工

君有憶舊游圖

千古袁

宏擅高詠運租船次古今同

再疊前韻奉贈兼懷湛泉觀察

細數交游四海中王戎簡要又清通好詩晚作並千古舊侶少

年今一翁塵榭吟風存歿感

君去年飲傲齋滌如先生

水窗聽

雨唱酬工

湛泉昨見於揚州道連舸而來唱和甚富

烏衣本是君家巷官職聲名此

日同

簣山先生于役南回過揚州不一見三疊前韻奉柬

滿擬相逢酒一中樓船風利刺難通亟看六代三山色不訪孤

舟一釣翁故國謳思歸漕使

君駐節江圖而所轄多敝邑郡縣

新詩傳唱滿篙

工城南聯句如重踐韓孟風流仕隱同

追題徐條甫師虹橋秋禊遺照

家近蘭亭有惠風風流禊事古今同詠觴何必皆春暮山斗重

瞻已畫中白紵舊游曾捧杖

此王辰春從游時事

青雲歸路尚飄蓬

蕭官十年

歸以先廬隘妻孥僑寓邇上常門卽虹橋修禊處

僑居一水分明是頭禿門生老寓公

酬蒲快亭寄懷之作卽依其韻

過眼韶華夢一場白頭慰藉尚他鄉生涯不逐流年改

十年前蕭與快

亭同依會南城於揚州今快
亭司鐸吳郡蕭來主講紫陽情話偏因冷境長春氣爲文非富
貴冬心閱世有冰霜酒徒寂寞餘吾輩莫使深杯對月涼

後先選佛共登場位置斯人自有鄉吳下山佳官正暇眼前才

富句誰長傳來蚌腹盈如月

聞君有徵蘭之喜

別後松姿茂拒霜筆弱

未能歌出塞讓君掀髯唱伊涼

君索題出塞圖久未報

廣省堂中丞述職入都過紫陽書院捧袵道舊賦此奉呈

節鉞弓裘出相門父兄清德有淵源去朝金闕恩方重來問茅

檐語更溫

君問傲鄉民間疾苦且述在陝與浙拊循舊事甚詳

年力應時公望早

浩翁贈范德孺

詩少年出領父兄處公自才力應時須

科名壽世雅才尊江山草木春如舊五十

餘年雪印存

江燕迎潮報順風西湖柳色正留公贈行詩富仍垂橐

君歷官久而貧

行篋中惟桂堂錄訪舊情親再繫驄君留金閨一兩代恩門齊

堂蓮龕諸君贈詩蕭以丁酉拔萃會考出文六年流水易西東甲子遇菜根

香味吾曾飽擬泛寒江侍酒紅蕭昔從朱文正公於晚上節署中

送淵如觀察岱南

換縣天教近聖居岱南膚寸雨隨車泗源可淪先行水魯壁相

鄰易借書大吏廉隅爭引重新恩守令較安舒東人佩璫艱難

久喜及經生攬轡初

十二秋風走省門遺珠手拾是師恩再鳴何止踰三載千古還

思附一言小雨軟紅新拭几高齋浮白憶開尊南樓亦有留題

字陳迹煩公手更捫

闕題

太街車擊軟紅囂吏部門庭自寂寥早有高文齊北斗尚留清
譽在中朝青浮嶽色人孤倚紅落燈花夜共挑得句可堪秋賞
隔錦秋河畔雨蕭蕭

思將情話慰閒關離緒紛紛會合慳石友相期千古在萍蹤難
得兩人閒不辭犯暑親行水共喜扶雲正出山澤物東南公等
貴倦游我似鳥知還

早行題壁

鈴鐸聲中欲曙天前車誰已著先鞭星光落水各三五樹影如
人真萬千城鼓漸喧知市近寺鐘未發羨僧眠忍寒更訂新詩
句忽感勞蹤一惘然

次韻酬蔡芷衫丈

檢點初衣習舞斑日邊春夢換田閒閒身訪舊初停棹詩老棲
神不閉關師友昔游增我痛來詩追念汪存南師施小鐵先生江湖行藁待君
刪十年兩屐周南北說與尊前補釋山

唐花

直將家火占春先窰室生涯絕可憐真果難成偏作獐高才早
達或無年生香不藉冰霜力買笑專添富貴緣獨有小山愛清
冷花農袖手竟無權京邸賣花者云惟桂花性愛寒不可熏

書船山詩集後次琢堂前輩韻兼寄鮑樹堂太僕

日南朋舊半凋殘作者何人竟不刊文社譏彈容我直集中詩有集改
易數字者相門風雅似君難盛名遲早三春過君少余十二年
君皆從之部試君已巍然在宦況榮枯一例看君以不得志於上官遂請
翰林詩名蓋代

職

身後更傳元伯夢石交肯讓古人完

君卒後見夢於樹堂父子許以千金歸君櫬

有問船山論定當何如者疊前韻答之

森森玉樹竟摧殘句裏精華不可刊當日自知千載有此才直
恐再生難盛名祇益無年憾生氣終如現在看獨惜集成知己
逝倉山心事不會完

歲暮雜咏和裴山前輩韻

掃塵

雙輪日日習黃埃歲晚關門拭硯臺惡竹全刪宜縛帚靈蔭先
動更飛灰燕巢掃待新泥迹蛛網除添落葉堆太息浮生如野
馬白頭烏帽歲華催

祀竈

一疏通誠餞上霄冷庖見慣溼螢飄比鄰分福無兼味兒女先
期說此宵中歲病多神定惜長空風肅酒應消玉皇香案如相
問爲道逃名眾口調

酬神

臘梅香裏又星回新福將迎宿釀開雙俸恩多增祀品一官天
近住仙臺自思薄植憑高厚欲祭新詩畏後來計日辛郊當獻
頌可如方朔賦生禱

打鑼鼓

戰輦久歇不聞鉦比戶喧闐樂趣生樂部登場先合開兒曹按
節欠分明映簷溫旭爭晞景入市昇平欲繪聲獨有書生能耐
寂萬人海沸一經橫

時劉逢祿孝廉館余家猶手公羊一編

畫歲朝圖

頗嫌依樣畫葫蘆伴揣支干手亂塗餽歲無財陳薄技宜春有
帖闕新圖芳菲已入題詩料筆墨空添卒歲適最憶南齋黃侍
講丹青巧思古人俱黃立日用東坡餽歲詩真盤巨綱橫

貼門聯封條

封篆前迎兩日春都下於封篆日貼門聯封條本年硯池朱墨

暖初勻歲華先入修書手官樣休驚載酒人前輩推敲成對巧

幾家迴避受恩新本年恩科奉使建章門戶臣書在畢竟詞垣

分位親官殿門聯逢更換時交翰林諸臣

門神

當戶會無筆舌勞將才職肯換閒曹故鄉池館悲華屋晚節文

章惜敝袍畫虎有人矜筆妙登龍幾輩羨門高清晨臥穩無春
夢請退甘爲舊坂桃

時已請養坡公詩
退歸擬學舊桃符

買唐花

數錢爭買瓦盆姿循吏曾經劾不時廟市金銀如土賤鄙人富
貴怕春遲馬通堆積偏能馥蝶夢荒寒恐未知獨有桂香能自
異秋風纔放小山枝

朱竹垞曰下舊聞引李贄疑耀云京師入
冬以地窖養花其法漢已有之漢大官園
冬種菜覆以屋廡晝夜難溫得氣皆生召
信臣爲少府謂此不時之物傷人奏罷之

餽歲

閒官避地似墻東歲事爲歡亦土風鶴俸分從廉吏貴魚書報
到大田豐圍爐添炭春無價賣賦通財筆有功飽食較量茶筍
味越中滋味勝吳中

守歲

天門鑰未啟天安

元旦朝賀例人天安門

不寐孤衾坐歲寒戀國有心周

七舍著書無計息雙丸官如昨夢仍匏繫

時待吏部集奏未能成行

酒到深

杯怕客闌我有老親需努力新符留待北堂看

新年雜咏

迎喜神

壽宇宣溫萬品伸一編時憲早班神天顏得近爭延喜例宴追

陪共坐春

是年皇上五旬萬壽又值十二年元旦例宴

益算酒思斟永夜賀年客已

鬧連農星家方位非無博通藝吾慚郭景純

書紅

元旦書紅試筆鮮今年自祝異他年上林不願隨鶯入安訊何

勞付鴿傳驛柳送歸無暑雨陔蘭絮養有寒氈西清分得修書
紙老我研朱守一編

拜年

朝罷籠香逐隊驅高門過盡總吾吾交輪狹巷車如水聯袂瀛
洲氣似珠朝退出東安門詣翰林院拜先師祠袖底字磨三歲刺扇端路認五城
圖近日殿肆畫都門全圖刻之印於摺扇京官攜之車中辨識胡同思家未拜高堂慶徒倚春
暉自念劬

團拜

交無新舊共團圓卜畫情濃到漏殘客似洛游爭道故禮如周
醵易爲歡粉榆各領衣裳會臺省同登禮樂壇六部各司暨五城皆有團拜
我憶從公公讌早此科誰說得人難裴山前輩與余爲丁酉科拔萃同年是科得人最盛

而顏檢溫承惠二公相繼督直隸每年例
入都賀元旦則同年以正月初二日團拜

打春

連日青幡九陌開著鞭京兆盛儀來土匡一歲兩番擊斗柄七

星今夜回佳節丹臺書寶座蕭與修純朝賀錄館每年立春書順天府寶座起居注亦然

芳郊綵輓侍春臺蕭充講宮七年屢侍觀耕臺班劉耕華林寺畔嬉游近野服圍

教牧監猜華林寺在全椒東門見歐陽永叔集古錄

請年酒

別歲相從急景閒蘇詩註歲晚酒食相邀為別歲辛梓忙及早春還裙腰草淺

踏宜緩鹿尾價高求不慳時從大庾師相香東七種菜添寒士

味八輪輿接上仙班酒徒燕市將分袂不許當關惱敬關

游肆廐

傾城錦繡壓成都九市菁華萃一衢坊賈誇人書滿屋山妻謫
我米如珠紛來燕地衣冠譜誰仿吳興士女圖獨有慈仁名刹
廢日高野鼠繞楹趨國初諸老買書多於慈仁寺昨過之榛蕪塞徑矣

稱人

人日稱人一秤懸冥冥造物早居前圍腰玉帶誰無分換骨金
丹或有權兒戲故鄉逢短至南方稱人瘦生貧相竟長年春官以夏至節計日衡才近暗索低昂易惘然

燒火判

獵獵風生自齒牙可憐炙熱手難遮大都何止千身現都中胡同有廟處皆設此小劫居然百鍊加典簿貌甯神有筆登場銜換面如花梨園演冥判幽冰山火樹原同盡冷閱年光莫自嗟

開元宵

月餅中秋似月圓圓搓酥粉又新年深宵欲訂無眠約佳節曾
占不雨天歌管聲連撾鼓夕米香味續咬春筵少時狡獪張燈
謎分付兒童莫浪傳

除夕次韻示增壽甥

勞我精神歲祭詩白頭積習更爲之苦茶澆渴宜寒夜禿管生
香半醜枝去日宦場成撒手英年甥館待揚眉東風八日催顛

飲

二十三
立春

斷酒韶華笑我癡

時因病
戒飲

元旦再次韻示之

試筆先書自壽詩

余每歲元旦目視云慈母益算
游子得祿師友遇之並受其福

福來願與汝

同之山人懶作金閨夢宅相偏饒玉樹枝

增壽兩
弟皆慧

鍵戶十年成

國手射屏兩代倚門眉大言博得萱堂喜生計遺經本不癡

喜口益齋新藩楚北

上游屏翰荷新除三月春風送喜初吳楚頌聲迎送集山川吟
興古今如建牙不改清寒味垂橐專收經濟書我欲祥雲長在
坐扁舟定食武昌魚

麥熟櫻紅又此時去年官閣話襟期

嘉興君訂交壁間秋蛭成
在壬申四月

陳迹

君在蕉園丈處
見拙書愛之

江上春鴻感去思知爲祥刑留小住

聞辦
理秋

審畢方
之任

愁看花候近將離待公節制三江日再賦中和樂職詩

闕題

一別桃蹊十八年白頭歸興見花顛停雲半覺風流滅積雨難
求月色鮮臨水禊宜扶老酒隔橋人富買山錢過時枯苑誰能

保且釀黃金博醉眠

辛未九旣望子干子命酒梵福樓下索詩識之適女弟子
歸佩珊以詩贈抑庵夫婦因次韻二首一謝子干子一
呈伽音夫人

早聞金屋住神仙望見仙都亦有緣清和屨聲今夕雨涼催酒
事晚秋天初衣對客仍三沐廣廈何時借一椽欲展重陽佳句
少題糕才盡更堪憐

慧心無礙本靈臺日諷金經懺綺才七寶座因清淨設五香水
爲吉祥開樓下顏曰清淨搜羅奇秘都餘事指點虛無自別裁
夫人能詩深於禪理多少芙蓉江上怨幾生修得倚雲栽

張子瀾茂才示讀許秋巖漕帥上元清讌門生詩次韻二

首慰子瀾兼寄漕帥

庇寒可易萬人安
火樹權當短檠看
一豆食宜文字飲
三薰坐接古交權
買田計紬逃名便
此肅自謂也
醫國才高著力難
我與髯蘇成契闊
揚州今喜遇秦觀

折筭雜坐飲荷風
醉醒何妨與眾同
歧路大言聊自快
高門短刺莫輕通
子瀾以漕帥薦來謁直指久之未見
難知璞自完
貞白易悴花
應悔早紅
邵葆醇家熙曾兩編修皆早天
畢竟千秋吾輩事
雞蟲得失付天公

題龔平甫獨立圖

展卷如登百尺樓
嗤他日者說封侯
清時未用橫戈戰
上策誰能借箸籌
辛苦宦程頭易白
蒼茫詩界氣如秋
胸中磊落知何似
天外蓬峯憶舊游

答重三

太行西上接青天坐領羣山有大賢
行兩人歌郇伯黍借風我近信陵鞭
坐看喜色芝莖郁醉聽書聲桂魄懸
索得新詩無曼語今情古調句中宣

家學傳經足鑄回況兼至行起門才

讀君家傳知先世節孝

賜書萬卷垂

金薤樸學千言續玉杯才子西清宜
早躡使君東閣正高開鳳池久許君
家住我戀鷗波未敢陪

煮石神山古洞天散仙興盡作癯仙
浮萍迹已無端合空谷音休更浪傳
舊雨關心有才子春風送喜及衰年
寄詩賦到櫻桃宴是我當時舊醉筵

用金童子韻贈別筠莊方伯同年

卅六峰前舊講堂
摳衣曾拜魯靈光

庚子初識輔之先生於里中

江鄉詩獻

中和什

年丈觀察鎮江時肅會獻詩

輦路人依班馬香

甲辰與君同獻賦

行在邇響清

風趨戟衛及時甘
雨徧巖疆階前百尺孫
枝茁佇見琅玕貢上

方

我怕移文播草堂
十年曠養惜流光
感君歧路關心劇
說士名

言脫口香清暇
圖書歸骨肉太平
功德在封疆
晉祠曲折波如

玉此後相思水一方

韓門都講早升堂

肅與君先後出文正公門

韋杜門才上國
光節使恩叨三

殿語

君入觀召對時久上許君辦事結實

樞房字灑五雲香

君在軍機行走勅寫

御製功臣贊當

塗風雅蘇平仲舊侶
園林願辟疆若許野
人依芑盛旌旗慰望

督朱方

題張仙槎自寫泛槎圖卽次其韻

浮跡憐君寫泛槎茫茫人海失津涯公卿交滿遊初倦山水緣
深氣自華生計只憑紅藻硯詩情多傍白蘋花何時門閉三山
側永日松煙護帽紗

我亦飄零似斷槎卅年短棹寄生涯可能山海收胸界但覺星
霜滿鬢華多雨粵中天似漏余住粵西試院四旬無日不雨初秋塞外雪成花
戊辰扈蹕團場八月見雪勝游愧少丹青識陳迹迷如眼罩紗

闕題

書來天上轉愁予十載浮蹤負遂初老學治生如強飯貧成積
習似溫書倦雲離地真無賴病葉辭枝請自疏鄉味拋荒嫌酒
味枉勞簪笏羨山居

余新葺西園在水一方亭同時鄰院尹聿修道士亦葺臨

水小閣索詩題壁

隔壁鐘聞不可行掉頭小住又蕪城梅邊一鳥真如夢湖上雙
鷗舊有盟泛宅勞蹤隨地好買山歸計幾時成兩家水榭茶煙
合便不燒丹足此生

持庵舉進士賦此賀之

乾鵲聲中笑口開故人文戰捷書來匡時大府能求士積善卿
門正產材遇晚自憐人落度福修誰說命安排尚書秉節多仁
術萬舳艫歡接上台

尊甫成靜齋先生方爲總漕

十載分攜詩大進一編文質正相宣決科我似有先識通籍君
方及盛年蓬島無風安彩筆文章有價本青錢玉堂爲認巢痕

舊同輩今朝判後先

與補帆同飲湖上卽事

湖光一曲護亭林耐盡炎光得夕陰近水難辭蛙聒聒看花不
妬蝶深深風騷旨得能情語邱壑緣成喜足音到底醉鄉天地
大掃除煩惱酒重斟

閱盡崎嶇夢不驚孟門蜀道只平平文章那可逢人說肝膽惟
應對水傾破鏡折鋒能自固夕陽初月似相生與君頭白論交
晚只許閒鷗聽此盟

山舟侍御以先集見示兼贈新詩次韻奉答

兩代詩人識小坡肯將珠玉貺貧婆緣深邂逅歡初締秋淺湖
山暑尚多三爵已頽非中酒百端易感未聞歌

侍御與翰山編修皆出同年桂

文敏公之門翰山失意南歸酒次有悼逝傷離之思餘年專倚青雲他日行春到鰲窩留君一棹泛湖光瘦竹高荷水陌長良覲未慳思雨集時約雨後同游平煩襟難滌恃風狂追歡別路添愁味摘豔華筵得古香出世逢時言志各分攜何必淚浪浪

汪月樵明府與諸名士集桃花庵浮筠舫作延秋社有詩見示卽次其韻

雨溽新篁密如櫛地偏老屋小於舟稱詩此地非無佛道暑吾心自有秋那許湖山讓僧占儘誇嵇阮與君游橋東泛宅西園叟閱盡塵緣歲月流

題錢舜舉畫樂志論

半殘金粉筆猶酣田社風情畫裏諳新漲數灣周舍北好山一

角認江南同心況有求桑婦學語尤憐索棗男辜負太平新稻
熟應官未釀一罌甘

王家營曉發

十年息轍忽行行理策贏糧事事生曉霧報知風信劇初陽照
見酒帘明時清本鮮登車志夢續偏聞喚渡聲廢寺老僧猶識
我道旁一笑與將迎

眾興道中

曉星幾點照寒生遠道纔登第一程秋老偏無山遠近路平頗
念水縱橫江淮開湖漕歸天半船帆集農趁霜前麥隴耕忽見
市頭新橘棗分甘兒女最關情

車中

車中枯坐百憂刊不是悲秋強自寬病去膳餐宜淡泊心空雲
物總高寒自然夢少非能覺偶爾詩成或可觀努力習勞增老
健好憑南雁報平安

陸南村遣人來邀以詩先之時為沂州太守

太守風流四海聞吏才清絕稱高文三年宦味如雞肋君求退所
留一夕離心感雁羣簪筆同時輸浣露往者分職館懷人異地
各停雲中和樂職差能賦明日尊前誦與君

訪南村郡齋握手道故悲歡交集南村與余在都時均酒
中大戶南村尚能盡巨觥余不能矣再次前韻

十年南北不相聞憔悴猶能惜仲文萍梗相遭真浪迹琴蒿分
食本同羣履霜我獨嗟孤露南村尚有太公在堂為雨誰憐是倦雲燕市

酒徒重此集飛觴豪氣已輸君

見青雲山

一峰尖起劃天光百里遙分嶽色蒼
到眼境奇詩膽放買山計拙馬蹄忙
野河水退沙成路石徑風高樹易霜
卽事吟成殊汗漫不知明日是重陽

入沂州城訪墨池書院昔與桐生朱谷題名處

曉來霜信動寒雞又促青山導馬蹄
積潦在塗村路亂曉煙出屋戍樓低
山邱零落詩真痛城郭蒼茫路未迷
便有千秋誰肯信斷碑昔日記同題

九日

九日思家酒不醺故山高會定紛紛
僅存松菊夢猶繫已老弟

兄襟忽分入肆餅餐偏應節涉波驚驚屢爲羣

沿塗山溪水阻天憐行

旅無風雨傍嶽晴雲是吉雲

北上將訪伯生於祝阿以詩先之

山左相逢似夙因

卅年後屢值伯生於山東

河魚東去附書新定憐末路行

偏夜可信空山夢又春償轍功名成逝水

謂朱達齋方伯

飛觴亭榭有

凝塵

往者歷下訪古濟上題襟余與伯生皆與主人爲淵如觀察坐上未谷小松運生皆化去矣

執裾悲喜

應交集惟有齊煙冷照人

飲童初吟館有作

滿院香生隱逸花到君官舍似山家吏才已裕書仍讀民事能

勤鼓不譁逐客生還酬落月

晤伯生知曹玉水蒙恩賜環昨已過此妖童低唱勸

流霞柰何不喚非情少自別江南鬢太華

冬仲南還再過章初吟館次韻

寒翠堆簷樹可因高齋一到一番新林收灝氣雪加蕭菊斷晚
香梅導春識客奴厮皆舊雨歸田面目有微塵奇書互換猶能
讀伯生藏初印津逮秘書二本余乞其一許以冊府元龜爲報他日名山待故人

伯生以所藏淵如像屬題且示遺札四冊

畫中人已隔神邱客底詩偏數舊游空想鶴歸期七日早知鴻
寶足千秋生天骨相真難寫傳學心香祝未休斷楮零縑盡藏
弄黃金他日有人求

爲伍詒堂題淵如像

半生師友與君同鄰笛無端唱惱公初識陳雲誇日下久推袁
淑擅江東送梅欲泣剛零雨搖蕙難回是去風白首黃公壩畔

客故鄉何日息驚雄

張衡觀舞賦驚雄游兮孤雌翔

庚辰正月十三日胡城東過飲卽次見贈原韻

荒館無朋雪在門新年自把舊詩溫
甕中香出酒知候牆角影疏梅有
魂勝境未迷游稿在故交可數幾
人存與君一樣疏狂性薄醉掀髯且
自尊

七月八日曉起書扇贈小山兄弟

流雲無巧不成陰星曙橋空見一禽
通市閉門寒士屋秋期贈扇古交心
頗思羽客同安鼎卻恐商聲易入林
夢想君家兄弟好如何空谷久無音

金山感舊

落日歸鴻送逝波憑高悲喜意如何
聞鐘我悔還山晚禮佛人

因賽社過

京口歲例四月
中盃會最盛

飛焰不須驚
宿鳥戰聲無復激
鳴鼉

故人高處同攜手
剩有紗籠字未磨

游金山之後二日將游焦山舟中與稚存同作

與君廿載逐征車
連日翻成結舫居
避客沙禽先掠水
招人山翠已沾裾
別來林壑如朋舊
看慣風濤傲老漁
我是滁人家較近
渡江相伴近歸墟

小飲贈論園兼示兩觀察

如此江山供醉眠
焦仙庵畔有奇緣
筍芽日剛方知脆
魚網纔收已給鮮
江燕漸隨停舶下
海鷗閒逐退潮旋
清時抱器無肥遁
幽谷偏逢兩少年

方素田南歸晤於邗上

日邊舊學憶同門江上清游喜接轅頰景愛人騎駿馬別情當
會減歡尊荷光豔豔秋非晚桂信遲遲候尚溫話到昔游游已
倦洞庭涼月照吟魂

詞客

詞客西江半綺齡年來蹤迹共風萍獨憐燈下頭先白藕船白庵長於

蕭雪皆好易爐中火漸青感舊重吟人日句同歲生汪明經中

有白髮古文詞昨於篋中問奇久別子雲亭別石君師六年去年夏初

檢得其見寄詩東軒別無多名士勞珍惜試數江湖曙後星

清才絕世首黃童謂仲斷送瓊華廿四風一代詩名先論定九

原奇賞有心通山邱零落浮雲逝杯炙酸辛舊雨同采石磯邊

高詠後更無人唱大江東仲則從石君師賦詩太白樓一座皆驚

春初辛梓小集呈午橋柔兆東復絲五枕山五用前韻

咬春客至盡能詩不是凝之卽矯之

三凝之庚矯之皆蘭亭會中入

行酒嚴於

軍有政論文妙在語無枝峭寒怯遇風吹面薄霽歡生月放眉

相約登高東望好

時有登北極閣之約

何妨快閣學兒癡

柔兆和余近作語多過實次韻答之

頗羨嚴詩附杜詩賞音里社有徵之三冬客館同萍迹

戊午余與柔兆

同依南城曾大夫於揚州下榻九峰園

一脈師門似棣枝天馬共推絕塵步神妃

不畫人時眉先公遺論金丹在借得奇書不算癡

時借抄王陵川丈所藏先

師賦集批本

闕題

學士文章三十年清修難弟各稱賢肯令節似郊祁墮何必才

爲絳灌憐世態，傲傲期復古。酒懷浩浩欲登仙，一時門下多英少。誰是侯芭受太元。

謝安石祠堂古樹圖

永和銀杏同朝樹

權署有銀杏一棟碑誌謂是永和十年所生

古幹參天日易低

往事原如棋，勝負盛名會。冠晉東西叢祠碑，沒圖猶在游客詩。成鳥已栖應，歎繁華不如汝。幾株衰柳剩隋隄。

冬日過望梅亭

望梅亭畔尚無花，廢寺鐘眠日易斜。話舊卅年如紀夢，辭親百里便思家。極天寒色愁征馬，匝地流民似亂鴉。偏聽輿人詫多智，不知戰迹已蟲沙。

宿焦山作

卽此能教萬事輕不關禪悟自通明三更風水初調樂百戰江山久厭兵怕對落星懷雁侶剛逢歸汐證鷗盟亂鐘歇後人無夢臥聽來舟報月生

魯若侯表甥初捷誌喜

早識崔陵許異才天驕豈合在塵埃一編苦費摩挲久雙榜新占次第開藝苑筆花真爛漫心田穀種更滋培蓬瀛別後無多夢留得巢痕待爾來

圃氏於今有貴甥

先織軒師贈蕭舊句

片言期許媿平生舊家自有門才

起今日方看宅相成東國靈光空哭兀西州老淚獨縱橫

蕭外家僅

延一

里中科第汾陽盛叻鹿金昆好繼聲

題江圃晉甘敬侯墓碑記

一檄誅奸晉室存豐碑今日慰忠魂司徒敢說蘇卿節士蔚仍
慚卞壺孫勒石道兼延閣盛用彥升求立竟陵王碑中語守瑩天與後人蕃
斬蛟臺在長鄰近先後同朝可並論

立夏後六日家穀人師命同仲符觀察漪塘農部桐生劒
潭兩太守琴鵬大尹集桃花庵看牡丹送竹泉漕使還
朝分韻得衣字

臺館聲華近紫微下辭香案馬駢駢日高未隔臣心捧風順還
憑

帝德祈君遇風水羈遲輒宣德意祈禱必應以故新漕迅駛不信江湖仍共語偏從觴詠
惜分飛丹忱戀闕言旋亟袞職原無待補衣

身披侍女舊熏衣未到花前氣已醺游戲神仙停羽葆品題香

色唾珠璣劇憐素質能完白可有紅葩比賜緋重續題襟需壓

卷讓君麗語稱芳菲

時復堂都轉重開題襟館集諸公詩

香豔留人似鳥依也偕小草戀恩暉九峰晴雨縈懷抱

駐節九峰園題

石幾

萬舳江河聽指揮焚藁烏臺天早鑒矢言白水願聞違吟

花不作金華語風味由來舊布衣

世外僧寮倚釣磯雨中上客住旌旂新篇脫口詩先和古寺題

楣墨未晞

君登金焦諸作已刻入羣雅集尤善擘窠書

魚饌肯忘江海味鳳羣應問

薜蘿衣將離花候今年晚

時以未及看篠園芍藥爲悵

惆悵雲鴻已北歸

張濱洲同年招飲卽席賦此

歧路歡成倚故人菊邊促膝氣如春頻年邂逅緣非淺幾日招攜別又新老去宦情如急景病餘酒戒負良辰夜闌秉燭呼珍

重小住荷衣幸未塵

次寓齋題壁韻

回首家山落葉深
誅茅編槿太侵尋
那無翔雀能淩漢
竟有眠禽再出林
檢點詩多殘客語
拋荒琴似故人音
君話舊如譚夢
不信吾身有古今

悼費西塘桂香東兩同年憑

孫善慶校字
外孫薛葆樵

吳學士詩集卷五

番禺梁輦煌檀圃編訂
全椒薛時雨慰農

七絕

次韻題胡城東六安溝小泊圖前二首咏去秋南歸事也
水驛無兵破屋斜掠波秋燕傍誰家頻年淮雨減香色牆缺冷
紅開蓼花

漁艇曾無半尺魚強尋酸薄走長鬚江湖搖落堅歸興細檢巾
箱寄眾雛山谷詩令我憶眾雛迎門索梨棗

椎髻如蓬廢畫眉燈花昨夜卜歸期屋頭淮水如銀漢慣向天

明照別離

六安溝船以地得名操舟者載客過其家必歸宿及曉始來

蔡姥湖邊水繞村十年鄉味曠雞豚索君詩寫歸田趣雞上樹

顛人閉門

城東喜我還山許以詩贈並速之

題朱竹垞煙雨歸耕小影爲曹儷笙通政作

春朝細數隔城鐘猿鶴心情戀主濃一自手編騰笑集南軒詞

客請歸農

先生移居宜武門外詩朝來春夢醒猶聽隔城鐘

五十猶耕長水南

竹垞自敘如此

名高跡近竟朝參白頭抽得閒身去

識字耕田兩事諳

羊城雁塞燕齊路

括自題畫像詞中語

小隱歸田寫已遲應笑東坡行萬

里還山要待有田時

史館巖巖七上書書生習氣未能除鴛湖風月無人競不作農

師也學漁

秋光又到野葵邊斜日當頭米壓肩聞說越中吳祭酒不曾收

得一簑煙

家穀人先生告歸後又以負米出游矣

金山感舊

舊游末坐爭誇我勝侶
空堂賸有僧如此
江山重到晚白頭同
照一龕燈

闕題

壓頭羈鬢霜鬚髻
新歲思歸歸未能
枉累老妻占破鏡
且攜嬌女看春燈

乖龍貪睡雨無聲
湖上看山要陸行
未到花開開笑口
門前已有綠波生

六時校字一時閒
蒼紫尤憐落日山
自笑與人殊棄取
一舟初出眾舟還

桃花菴外一花無修禊橋邊禊渚蕪止有康山山好在飄零酒
伴似黃鑪

謂主人
江成叔

楊竹閭畫山水見贈且繫以詩次韻答之

雪消冰泮水潏潏聞說梅邊春已還鍵戶琴聲生四壁臥游新
得畫中山

家書未發淚潏潏酒香時客未還似見故園青一角採薪煮
石夢中山

游仙詩

三千年後始逢春棋局難消海易塵若使桃源知有漢定防曼
倩作漁人

手栽琪樹溉成林蔭暘何人識苦心但捉迷藏遇狡獪貪夫摸

得豆成金

七襄成報漢昭回無縫天衣費剪裁可惜金鍼輕度與凡閒
綫廁仙才

凡胎未換鼎難成騎鶴纏腰兩念爭卻恃玉皇親賜杖紅塵眯
眼御風行

重重青瑣拒閒游霞瑄雲笙上界收爲戒開元輕作譜不知仙
曲被人偷

天風吹落又吹還位業圖中籍未刪卅六洞天爭位置可知品
格異人間

題蘇武牧羊圖

上畫一雁

畫工真說雁傳書麟閣丹青又此圖十九年羝終不乳王郎可

是管夷吾

題竹庵古樹圖

圖爲鄉先生方士庶作

芸臺師記其上云竹庵在揚州天園門外舊爲馬秋王
觴詠之地名流鱗集多見於各家詩集中後此庵規入
行宮之內其大樹尙在清簾中也環山此圖流落揚州
市中大小石開士自杭州來住揚州諸伽藍旣得此幀復
得丁敬身篆書行庵二大字前輩翰墨風
流今鮮繼者獨賴方外結緣得以過眼也

竹庵福地入行宮雙樹蟠根歲月豐往日

六龍停玉輅曾先多士侍春風

純廟六巡江浙皆試庚子甲辰
肅再獻頌冊蒙恩賜綺大駕

固先住邗上
次蒞白下也

環山六法早精研能事丹青信必傳一幅古藤新入手不教過

眼錄雲煙

子師爲馬氏仿家梅花庵主
古藤寒玉長幅今藏子家

玲瓏山館秋聲館

皆馬氏盛時開
賓館張文謫處

爲誦山樞太不聊方外有人

護雲楮轉憑道力却能消

此幀今藏古道院

京邸卽事

門外如龍萬馬馳藤陰清夢正濃時
關東軸子山西轂說與通材總不知

二閘春波生未生釣魚臺下五清明
南西門外園成肆各辦杖頭錢出城

爲家思亭題復園雅集圖次韻事在乾隆甲子一時名流
如金壽門齊次風諸君皆在園久荒廢圖入思亭手各
爲小傳以繫之

丹青過眼亦雲煙梓澤蘭亭那問年
爲惜飄零收故紙乾坤儘大一亭傳

詩人主客圖誰續小傳重編稱史才天上玉堂前輩少幾人名
稱冊中來

將有行題內子畫梅

門外寒星正滿天冬心更爲此花妍纔停刀尺旋拈筆坐對征
夫各自憐

自題畫竹水仙

匝地寒雲掃不開催年風信疾於雷鐵琴自鼓無人聽翠袖衝
冰騎鳳來

題淵如王夫人遺墨

長爪驚寒露強研嘔心長吉自歸然帷屏髣髴茵幃徹餘迹精
魂守卅年

寂寞千秋一字安名山商榷到更殘
儒林七寶莊嚴遍要付闌
中畏友難淵如少年氣盛夫人輒以
千秋不易來者難欺爲戒

闕題

殿前金石記摩空百賦朝成不救窮
那待旁人嗤覆瓿自師坡
老置罌中

運船詩句自相酬親載西施到帝州
應笑油幢楊汝士但攜老
婦傲黔婁

丙子得阿兄書檢行裝歸園余屬其待秋水至盡室東歸
並調淵如仲璿兄弟

示我參軍與妹書澣衣污葛告師初請君稍待歸程便秋色棲
霞共鹿車

平安且報一封書我憶驚心拄杖初闌閣解圍非易事兩兄方
上短轅車

闕題

拍天水氣壓禪關蘆葦蕭疏生意閒連日太行雲意溼登高初
見米家山

芒鞋已踏兩天門僧寺烹茶恃雨盆忽地泉聲怒如鼓涼風一

枕核桃園

行獲鹿山中至平定州僧以茶
進者皆云山無泉恃雨以飲

荒寒古廟磴嶙峋屋後層青見古筠除是仙童來載鶴世閒人
總不知津

不待霜多黃滿林分甘時候先來禽橘奴欲抗侯千戶我有西

園一樹金

先去聲

紅霞裏定吳姬舌白露傾來玉女盆薦罷羅池柳州柳髯蘇飽
向惠州吞

紫花開老瘦藤垂月下繁星碧玉枝滿摘筠籃秋未老豆田香
比豆棚遲

題汪蛟門少壯三好圖

漢書濁酒本相宜女樂生徒事可師一曲小紅三大白蠹魚仙
去已多時

千畝腴田一斛珠更聞謀醉解金魚黑頭獨少黃金買老怨蕭
郎是廢書

題衡山畫京口山水卷贈蕉園方伯

南朝金粉已成塵海上焦山獨有鄰不待撫琴山水動清游曾

作畫中人

待風金山下雨大不能登山乃屬郭香生寫圖便面寄蕉

園方伯并繫以詩

積陰蛟氣腥添雨昨夜鈴聲顛報風輸與使君清福大順帆晴
賦大江東

題馬湘蘭畫蘭

送斷齊梁局又殘江山金粉盡闌珊可憐丁字簾前雨定比沅
湘水更寒

莖莖葉葉豈無秋舞席歌塵不着愁別有傷心懷抱在女相如
在絳雲樓

怕將脂粉掩幽情澹墨迷離筆格清何似桃花紅滿扇杜鵑聲

裏夕陽明

雲中得鄭堂書書其後示同人

發書老淚對風揮
嬌女啼寒僕苦饑
寄與金貂休換酒
故人窮巷臥牛衣

遊春曲

咬春筵送試燈風
掃卻辛柈酒未空
僅約新添踏青具
一肩壺榼萬山中

放鴨聽鶯未到期
遊人已怕出門遲
一程山郭逢人問
山裏梅花賸幾枝

攤書一日萬花齊
曉夢驚聞杜宇啼
九十日中多半雨
閉門蠟屐辦衝泥

拾翠山頭又水涯
耳邊絮語半桑麻
折枝歸爲絲人賀
開遍四楞蠶豆花

蔡姥湖邊坐釣磯
丁姑祠畔叩僧扉
訪碑小憇華林寺
父老猶傳及第歸

花事匆匆農事連
書田我亦祝豐年
道逢春賽野巫醉
欲話神奇已倦眠

禁煙乞火不成詩
檢點吟囊少色絲
強爲東皇重寫照
爲言春似少年時

魚苗細碎麥苗纖
茶社紛紛酒社添
我自看花人盼果
花農兒女守花嚴

一瓣香纔祝紫姑
鬪茶鬪草又相呼
丹青松雪誰能替
重寫清

明士女圖

幾生能一入桃源看到酴醾易斷魂游興未闌頭早白青山看
慣總無言

輕衣快馬自縱橫鶯燕招人大有情興盡休愁佳日負紙鷁風
裏送書聲

錦袍千古擅風流尙有高山待勝游遙跼仙樓畔節良辰空
國看遨頭

順河集卽景

臨水人家盡掩扉葦條刈盡見漁磯沙禽日暮無棲處小啄冰
花立又飛

江上書所見

去雁遠從潮際定歸鴉爭向雪前喧今年霜淺丹黃少一段殘紅古寺門

題明東林三賢尺牘

趙忠毅公

意氣文章兩不刊高歌那識塞雲寒世人但舞鐵如意更聽吳歌打棗竿忠毅抗節中朝身爲黨魁人但知其門庭高峻不可梯接而未識其軒隔濶闊通俠縱酒坡公後風流跌宕一人而已打棗竿者公所戲作吳歛以譏里人之背交附勢者也

楊忠毅公

見泉有子似盧杞一獄將傾兩正人媚骨可憐有餘臭平原遺像冠詩新見泉南樂魏允貞字也夙與趙忠毅以節義相期其子廣微媚奄忠烈之獄廣微將因以殺忠毅忠毅嘗云見泉無子故廣微恨之

左忠毅公

吾鄉皖上多名輩公之子孫風義存昨日梅邊拜祠墓行人靜
聽說淵源

家問梅畫扇見贈題詩述懷次韻慰之前二首則自諭也
自斷此生休問天杜句白頭傭筆故年年卻誇少作多豪氣到處
酸辛不受憐

一場春夢似坡仙不是山林有夙緣失卻河南房次律山邱淚
盡十三絃此謂朱文正公卒於丙寅冬肅於戊辰冬即請養歸也

酒杯閒卻餞春天贈句風情讓少年無數江山供畫本詩人止
有化工憐東坡垂雲亭詩天意憐詩人乞與供詩本

賣藥紅塵一地仙金丹欲度苦無緣君通岐黃書揚州人無知者到頭留得

廬山面倚瑟王門不改絃

客游宦游踰卅年重游琅琊且出山有日矣夏雨夜作借
榻繼宗和尚齋中晨起以梅峯老和尚小像屬題時梅
峯坐化已久走筆應之蓋不勝身世之感云

夜雨初停徑冷然溼雲留客話殘禪梅花已作曇花現小別青
山四十年

廬陵遺愛鐵枝春水石因緣易隔塵如此青山更行腳定從世
法笑忙人

題甘夢六桐陰小築圖次惜翁韻

清廟琴材斲得難龍門本在五雲端讀書爲善均宜早一葉西
風易報寒

功德東吳東晉大門才不墜閱千霜知君小築思堂構不使名
家世德涼

孫善慶校字
外孫薛葆楨